

## 瀏陽陶氏譜序

從來爲人孫子者象賢之道固甚難也而爲賢人之孫子者難爲古今有數名人之孫子者爲尤難也典午  
晋代中葉有陶公諱侃都督八州建立奇勲功在鑑史傳三世而靖節公生焉彭澤解組賦歸去來詞吟詩  
自樂皆千古名人也自靖節公少子佟居宜豐宗派繁衍歷傳以來如愔之元忠作監官托疾休唐之仲思  
好學嗜酒策筴臨流賦詩人呼爲小靖節少卿公博涉經史爲廬州大守避黃巢之亂挂冠歸隱以及弼公  
擅文武之才守欽順二州治政詳明作繼老堂大初公優于文學詔徵不仕覽其譜系自佟公一脈相傳代  
有偉人指不勝屈要皆克繩祖武而稱象賢者今瀏陽陶氏溯其源流由佟公遞傳 明全明公兄弟挈家來  
劉迄今二百餘年世次昭昭書香奕奕卓然爲瀏陽望族第傳世既久恐宗派散紊陶氏諸君子出而彙輯  
遺編溯古稽今分明叙次昭穆秩然遂成宗譜登諸棗梨上治旁治下治覽其籍其人斯在披其圖而系堪  
稽誦讀者效法乎百甓是運分陰是惜不使過爾優游奮翼於鹿鳴雁塔業田畝者農人告余以春及將有  
事於西疇而高風亮節總俎豆於靖節公之採菊栗里不致三徑之就荒也撫今追昔振興千古名賢之令  
緒吾於

陶氏諸君不能無股匕屬望焉謹濡毫而敬弁其言於簡端

前閩南邑令東粵

年家眷弟陳九敬題

公元二零二五年夏月 重刊